

Inatsisartut Naatsorsueqqissaartarfik pillugu inatsisaata allanngortinneqarneranik Inatsisartut inatsisaat (Paasissutissanik ingerlatitseqqinneq, siulersuisut ajunngitsorsiassaata)

§ 1

Inatsisartut Naatsorsueqqissaartarfik pillugu inatsisaanni nr. 11, 29. oktober 1999-imeersumi makku allannguutigittinneqarput:

1. § 5, *immikkoortoq 4* naapertorlugu nutaatut *immikkoortoq 5 ilanngunneqassaaq*:

"Imm. 5. Naalakkersuisut pisussaatinneqarput ukiumoortumik siulersuisut siulittaasuannut ajunngitsorsiassaartitsissallutik, Namminersorlutik Oqartussat tamakkiisumik ilaannakortumilluunniit suliffeqarfinni piginneqataaffigisaanni, siulersuisut siulittaasuisa ajunngitsorsiassaasa piffissami minnerpaaffiisa affaanik nalilimmik."

2. § 13-imi *imm. 2-miit 6-imut* nutaatut ilanngunneqarput:

"Imm. 2. Imm. 1-imi aalajangersagaq atuutissanngilaq paasissutissat ilisimatusarnermi inatsisinilluunniit piareersaanermi atugassatut ingerlateqqinneqarpata, paasissutissat ilisimatusarnerup inatsisinilluunniit piareersaanerup pineqartup pisinnaanissaanut pisariaqartinneqarpata.

Imm. 3. Imm. 1-imi aalajangersagaq aamma atuutissanngilaq inuit normuinik, innuttaasut pillugit misissuilluni naatsorsuinerni atorneqartussanik misiligitut makitsinerni.

Imm. 4. Imm. 1-imi aalajangersagaq aammattaaq atuutissanngilaq paasissutissat tassaappata peq-qinnissaqarfiup, inuit inunngornerinik nalunaarutit sumillu toqquteqarneri pillugit paasissutissat eq-qortuunerannik qulakkeerinissamut atugassai.

Imm. 5. Imm. 2 naapertorlugu ingerlatitseqqinnermi inuit ataasiakkaat suliffeqarfillu ataasiakkaat aqqi, najugaat, inuttut normui, suliffeqarfittut normui paasissutissallu assingusut, inuup suliffeqarfulluunniit kinaanerani takussutissiisinaasut piiarneqarsimassapput.

Imm. 6. Paasissutissanik imm. 2-miit 4-mut pineqartunik ingerlatitseqqittarnermi suleriaasissat er-seqqinnerusut Naatsorsueqqissaartarfiup siulersuisuisa aalajangersarsinnaavaat, matumani aamma aalajangersarsinnaallugu ilisimatusarnermi atugassanik ingerlatitseqqittarneq taamaallaat pisinnaasoq, ilisimatusarneq pineqartoq pillugu suleqatigiinnissaq ilisimatusarfimmut Kalaallit Nunaanneersumut nunanilluunniit avannarlermeersumut akuerisaasumut isumaqatigiissutigineqarpat."

§ 2

Inatsisartut inatsisaat 1. januar 2016-imi atortuulissaaq.

Namminersorlutik Oqartussat, ulloq 9. december 2015

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut